



Na osnovu čl. 8., stavak (2) i 54. stavak (2) Zakona o radu u institucijama BiH ('Službeni glasnik BiH' br. 26/04, 7/05 i 48/05) i čl. 32. i 33. Zakona o reviziji institucija BiH ('Službeni glasnik BiH', broj 12/06), za potrebe Ureda za reviziju institucija BiH objavljuje se

**OGLAS**  
**za popunu radnih mjesta revizora i prijem pripravnika**  
**u Uredu za reviziju institucija BiH**

**I – REVIZORI**

**I/01 Revizor za finansijsku reviziju**

**Opis poslova:**

Vrši reviziju, sastavlja izvještaj o izvršenoj reviziji, a prema poslovima u Odjeljenju za finansijsku reviziju u kojem se obavljaju sve revizione operacije koje se odnose na vršenje revizije, izradu revizionih izvještaja i druge poslove revizije, i to:

- a) Revizija finansijskih izvještaja: ova revizija obuhvata reviziju i davanje mišljenja o finansijskim izvještajima, kao što su – bilans stanja, račun prihoda i izdataka, izvještaj o izvršenju budžeta, izvještaj o gotovinskim tokovima i ostale izvještaje koji su propisani zakonom,
- b) Revizija usklađenosti (saglasnosti, podudarnosti): ova revizija obuhvata provjeru da li rukovodioci institucija BiH postupaju u skladu sa zakonima i propisima BiH, tj. da li su transakcije o kojima informišu finansijski izvještaji u skladu sa relevantnim propisima,
- c) Vrši sve druge poslove revizije koji mu se stave u nadležnost.

**Uslovi:** Pored općih uslova propisanih članom 33. Zakona o reviziji institucija BiH ('Službeni glasnik BiH', broj 12/06), kandidati za navedeno radno mjesto trebaju ispunjavati i sljedeće **posebne uslove:**

- završen ekonomski fakultet,
- tri godina radnog iskustva u struci,
- poželjno je zvanje ovlaštenog revizora,
- položen stručni upravni ispit,
- poželjno je poznavanje engleskog jezika,
- posjedovanje znanja rada na računaru,
- kandidat mora biti spreman na timski rad, da poslove obavlja samostalno, biti analitična osoba sa potrebnom vještinom usmene i pisane komunikacije.

**Broj izvršilaca:** tri (3) izvršioca.

**I/02 Revizor u Odsjeku za međunarodnu saradnju**

**Opis poslova :**

Vrši poslove iz oblasti međunarodnih odnosa u skladu s politikom, strategijama i planovima rada Ureda za reviziju; obavlja poslove za potrebe revizije; izrađuje i ažurira bazu podataka međunarodnih organizacija; sudjeluje u izradi izvještaja o radu i planova u dijelu koji se odnosi na međunarodnu saradnju; zakazuje i organizuje sastanke; prevodi; sudjeluje u jezičkom i grafičkom uređivanju publikacija koje objavljuje Ured za reviziju namijenjenih međunarodnoj

javnosti; ostvaruje kontakte sa stranim organizacijama i institucijama; obavlja sve druge poslove koji mu se stave u nadležnost.

**Uslovi:** Pored općih uslova propisanih članom 33. Zakona o reviziji institucija BiH ('Službeni glasnik BiH', broj 12/06), kandidati za navedeno radno mjesto trebaju ispunjavati i sljedeće **posebne uslove:**

- završen ekonomski, pravni ili drugi fakultet društvenih nauka,
- tri godine radnog iskustva u struci,
- položen stručni upravni ispit,
- aktivno znanje engleskog jezika u pismu i govoru,
- znanje rada na računaru,
- kandidat mora biti spreman na timski rad, da poslove obavlja samostalno, da bude analitična osoba sa potrebnom vještinom usmene i pismene komunikacije.

**Broj izvršilaca:** jedan (1) izvršilac

## **II - PRIPRAVNICI**

### **2/01 Pripravnik sa završenim ekonomskim fakultetom**

#### **Opis poslova:**

Vrši pregled dokumenata, isprava, izvještaja u oblasti finansijske i revizije učinka i druge evidencije i podataka potrebnih za reviziju, te vrši druge poslove i zadatke prema instrukcijama i pod nadzorom vođe tima za reviziju.

**Uslovi:** Pored općih uvjeta propisanih članom 33. Zakona o reviziji institucija BiH, kandidati za navedeno radno mjesto trebaju ispunjavati i sljedeće **posebne uslove:**

- završen ekonomski fakultet,
- znanje rada na računaru,
- poželjno poznavanje engleskog jezika.

**Broj izvršilaca:** četiri (4) izvršioca

### **2/02 Pripravnik u IT reviziji**

**Opis poslova:** Obavlja poslove vezane za administraciju IT sistema, učestvuje u implementaciji informacionog sistema za upravljanje revizijom, te obavlja i druge poslove iz oblasti IT koje mu odredi IT revizor.

**Uslovi:** Pored općih uslova propisanih članom 33. Zakona o reviziji institucija BiH, kandidati za navedeno radno mjesto trebaju ispunjavati i sljedeće **posebne uslove:**

- završen elektrotehnički ili drugi odgovarajući fakultet – smjer informatika,
- poželjno znanje engleskog jezika,
- poželjni dodatni relevantni certifikati iz oblasti administracije IT sistema.

**Broj izvršilaca:** jedan (1) izvršilac,

## **POTREBNI DOKUMENTI:**

Uz prijavu na Oglas, kandidati trebaju dostaviti:

Ovjerene kopije: (za pozicije 1/01 i 1/02)

- fakultetske diplome (nostrifikovane diplome, ukoliko fakultet nije završen u BiH, ili je diploma stečena u nekoj drugoj državi, nakon 06.04.1992. godine),
- uvjerenja o državljanstvu (ne starijeg od šest mjeseci) ili lične karte izdate od strane CIPS-a,
- uvjerenja o položenom stručnom upravnom ispitu ili njegovom ekvivalentu,
- dokaza o traženom radnom iskustvu;
- (za poziciju 1/02) dokaz o aktivnom znanju stranih jezika

Ovjerene kopije: (za poziciju 2/01 i 2/02)

- fakultetske diplome (nostrifikovane diplome, ukoliko fakultet nije završen u BiH, ili je diploma stečena u nekoj drugoj državi, nakon 06.04.1992. godine),
- uvjerenja o državljanstvu (ne starijeg od šest mjeseci) ili lične karte izdate od strane CIPS-a,
- dokaza da nema ostvaren radni staž i iskustvo više od jedne godine nakon diplomiranja (ovjerena kopija radne knjižice ili uvjerenje zavoda za zapošljavanje);

Originale: (za poziciju 1/01, 1/02, 2/01 i 2/02)

- dokaza da se protiv njega ne vodi krivični postupak (ne starije od tri mjeseca),
- dokaza da nije obuhvaćen odredbama člana IX.1. Ustava BiH (original uvjerenja ili ovjerena izjava),
- (za pozicije 1/01 i 1/02) dokaza da kandidat nije otpušten iz državne službe kao rezultat disciplinske mjere na bilo kojem nivou vlasti u BiH tri godine prije podnošenja prijave za zaposlenje (original uvjerenja ili ovjerena izjava),

## **Napomena za sve kandidate:**

- Pod radnim iskustvom podrazumijeva se isključivo radno iskustvo nakon stečene visoke školske spreme.
- Kandidati koji nemaju položen stručni upravni ispit ili njegov ekvivalent neće biti isključeni iz procedure Oglasa, ali su dužni isti položiti u roku od 6 mjeseci od dana zasnivanja radnog odnosa.
- Izabrani kandidat će biti dužan dostaviti ljekarsko uvjerenje o zdravstvenoj sposobnosti, prije preuzimanja dužnosti.

Sve tražene dokumente treba dostaviti najkasnije 30 dana od dana objavljivanja Oglasa, putem pošte, preporučeno, na adresu:

**Ured za reviziju institucija BiH**

**'Oglas za popunu za popunu radnih mjesta revizora i prijem pripravnika u Uredu za reviziju institucija BiH'**

**Hamdije Čemerlića 2/XIII**

**71 000 Sarajevo**

**Nepotpune, neblagovremene i neuredne prijave neće se uzimati u razmatranje.**